

M301: Athis und Prophlias

- 1,1 [Er] fach wie sich der helit balt
1,2 [Si]nin uijandin uirgalt
1,3 [Mi]t uerch ferin wundin
1,4 [Ou]ch fach er uz der fcrundin
1,5 [Wi]e die iuncrouwe intran
1,6 [V]ñ wie fie denedilin man
1,7 [Si]nir cleidir intrnactin
1,8 [V]ñ mit louberin bedactin
1,9 [V]ñ wurffin erde uffin
1,10 [V]ñ fach wie fie fluffin
1,11 [D]urch die murin an daz uelt
1,12 [D]az fie nichein widir gelt
1,13 [I]r mordif da intphiengin
1,14 Vñ fach wie fie g'engin
1,15 Anz gebirge inden walt
1,16 Do dit der mere helit balt
1,17 Alliz wol befcouwite
1,18 Harter sich unurouwite
1,19 Def iuncherrin todif
1,20 "Daz der mennische fuf brôd. if"
1,21 Sprach der wolgemuote
1,22 Virholine an finim muote
1,23 "Waz fule wir arme lute
1,24 Dirre knappe lebite hute
1,25 Allir forgin enic
1,26 Vñ uirfach sich harte wenic
1,27 Suf getanir zû uirficht
1,28 Vñ ich unreiniz wicht
1,29 Sturbe gerne ob ich mochte
1,30 Difim edilin kinde tochte
1,31 In der werlt wol zû lebine
1,32 Wend alfin dinc ftunt ebine
1,33 Al liger nû zû houwin
1,34 Er minnite fine urouwin
1,35 In fime herzin binnin
1,36 Mit getruwelichin minnin
1,37 Da widir minnite fie in
1,38 Vñ ftunt iewedirf fin

- 1,39 Wie iz dem andirn daz getete
1,40 Def er ganze urouwide hete
1,41 Dit waf ein lebin uon wille kûre
1,42 Hie nemich al die werlt nicht uvre
1,43 Ob ich folde kiefin
1,44 Suf nemich eine biefin
1,45 Uvor min lebin" sprach athif
1,46 "Daz ich ie wart alfuf wif
1,47 Ander liebe und ander leide
1,48 Vn̄ daz ich armir man fie beide
1,49 Also rechte wol irkenne
1,50 Vn̄ daz ich ettiffwenne
1,51 Liebif fo gwaldic waf
1,52 Da mich min urunt prophiliaf
1,53 Alfuf uerre abe ſciet
1,54 Der mich hute irkente niet
1,55 Do er mich fo durftic fach
1,56 Dar mir allif def gebrach
1,57 Def ich zû den erin folde tragin
1,58 Daz wil ich iemir gote clagin
1,59 Daz ich ie lieb zû liebe irkof
1,60 Vnd ich iz fo ſciere uirlof
1,61 Weſtich nicht waz lieb were
1,62 So were mir ummere
1,63 Daz ich min lieb uirlorn [*ha*]be
1,64 Da mir dit leit iſt kûmin abe
1,65 Daz ich hie muoz uirendin"
1,66 Mit windindin hendin
1,67 Mit herze fwerindin notin
1,68 Gienc er zû dem totin
1,69 Vn̄ huobin uon der erdin
1,70 Do truoc er den werdin
1,71 Hiñ zû ſinir ſcrundin
1,72 Do blûtin ime die wundin
1,73 Vn̄ machite den wec rot
1,74 "Wie mac ich iemir minin tot
1,75 An ichte baz irwerbin
1,76 Sit ich doch wil ſterbin
1,77 Den an diſime kinde"
1,78 Gedachte der fwinde
1,79 Vn̄ reſtitiz felbe widir ſich
1,80 "Diſin mort den zie ich uffē mich
1,81 Morgine fo man ſin inbirt
1,82 Vnd bimir uvndin wirt
1,83 So ſprech ich daz ich in hab irflagin
1,84 Vn̄ zû mir indaz hol getragin
1,85 So wirt daz uolc mich uahinde
1,86 Vn̄ ſan zû tode irflahinde

- 1,87 Der tot ist samftir harte uil
1,88 Sit ich ot nicht gnefin wil
1,89 Mit iemirlichir pine
1,90 Den mir die hande mine
1,91 Den tot felbin tetin”
1,92 In difin ungeretin
1,93 Lac der helit uñ qual
1,94 Wen biz der morgin ubir al
1,95 Luchte· uñ die funne fcein
1,96 Do die romere ubir ein
1,97 Giengin widir und uort
1,98 Do uvndin fie daz blût dort
1,99 Da der knappe ir mordit wart
1,100 Vñ uolgitin der irflahinde uart
1,101 Wen biz zû der fcrundin
1,102 Den totin fie da uvndin
1,103 Vñ den lebindin da bi ligin
1,104 Mit den blûte gar befigin
1,105 Groz iamer fie begiengin
1,106 Den lebindin fie uiengin
1,107 Den totin lichamin
1,108 In einin fcilt fie namin
1,109 Vnd uragitin den lebindin
1,110 Do fie sich uirebindin
1,111 Wer den knappin flûge
1,112 Vnd in die fcrundin truoge
1,113 “Daz han ich” sprach der helit fan
1,114 “Wer hetiz andirf getan
1,115 Wendich bin hir eine”
1,116 Sie sprachin al gemeine
1,117 Daz wûrdime al zû leide
1,118 Do uvorte man fie beide
1,119 Zû rome uñ den dinc ftûl
1,120 Bime hare durch den phûl
1,121 Wart er dicke gezogin
1,122 Vñ zû der erdin gebogin
1,123 Alf man in fterbin wolde
1,124 Wendaz if nicht wefin folde
1,125 Vmme rome waf iz fo gefalt
1,126 Daz der richin gewalt
1,127 Vbir die armin nine gienc
1,128 Swenne fo man da geuienc
1,129 Einin fculdigin an ichte
1,130 So muofter uñ daz gerichte
1,131 In torfte niemin fterbin
1,132 Noch nicheine wif uirterbin
1,133 An gûte· noch an libe
1,134 An kinde noch an wibe

1,135 Erdan er uvrz gerichte quam
1,136 Vnder clegere alfam
1,137 Ift daz er ſich int ſagite
1,138 Deme der uf in clagite
1,139 So wart er ledic gelazin fan
1,140 heter abir ſo miſſe tan
1,141 Daz uvr in ſtunt nichein bete
1,142 So befloz man in zu ſtete
1,143 In eine ketinin die da lac
1,144 Da mufter unz anden drittin tac
1,145 Inne ligin geſpannin
1,146 Uvr wibin· un uvr mannin
1,147 Daz al daz uolc *an* ime geſe
1,148 Von wilchir ſcult ſin ueme geſce
1,149 So den der dritte tac irſcein
1,150 So quam daz uolc ubir ein
1,151 Zu rome in den uronin fal
1,152 Vn die confule ubir al
1,153 Vn uirteiltin den haft
1,154 Swie den ſin ueme waſ geſcaft
1,155 Die wart da bereitit
1,156 Daz def nicht wart gebeitit
1,157 Suf ſtarb da manic manige wif
1,158 In diſin ketinin wart athif
1,159 Geſpannin durch gerichte
1,160 Zu der werlde geſichte
1,161 In der lac er mit forgin
1,162 Vnz an den drittin morgin
1,163 Do der dritte morgin quam
1,164 Vn die nacht abe nam
1,165 Daz uolc al zu houe gienc
1,166 Ein ieclich conful der beuienc
1,167 Einin ſtül den er urbürte
1,168 Athifin man do uvorte

2,1 Irn lib folde flizin
2,2 Den ſie mit werdin ulizin
2,3 Ir zogin het unz an den tac
2,4 Sie rou daz ſie ſin ie gephlac
2,5 Mit ſo getanin ulizin
2,6 Sit ſie zu langin wizin
2,7 Mit bilafe folde weſin
2,8 Mit deme ſie wande nicht gneſin
2,9 Def wart ir harte leide
2,10 “Owe mir dirre ſcheide
2,11 Der ich mich uon athife
2,12 Mime liebin amiſe
2,13 Durch bilafin ſcheidin fol”

- 2,14 Ir lutir ougin wuordin uol
2,15 Vil iamirgir trehne
2,16 Die warin an zû fehne
2,17 Swa man fie uant behangin
2,18 An den wol getanin wangin
2,19 Von der rofin durch schine
2,20 Geuar alfe rubine
2,21 Uon der wizze glich b[er]illin
2,22 Sie kondin nicht gefillin
2,23 Wen tran uloz nach trane
2,24 Wen fie waf uroudin ane
2,25 Uol iamirf uñ ruwin
2,26 Von den ganzin truwin
2,27 Irf uil liebin urundif
2,28 Daz nidir teil irf mundif
2,29 Daz gar uon minnin uvre wiel
2,30 Ir alfo zertliche intphiel
2,31 Alfo ob fie zurnin folde
2,32 Swie gerne fie abir wolde
2,33 Zurnin fie nekonde
2,34 Daz obir teil begonde
2,35 Ein wenic uf zû diezène
2,36 Irn rotin munt zûn flezine
2,37 Daz man der zene ein wenic fach
2,38 Sie leit ot michil ungemach
2,39 Vñ waf da bi fo minne fam
2,40 Daz fie dem beftin wol inzam
2,41 Der do def ert richif wiert
2,42 Den lib fie kume behielt
2,43 Von den fenindin forgin
2,44 Die fie trûc uirborgin
2,45 Vmme den helit reinin
2,46 Euaf irfach irweinin
2,47 Vñ begondin irbarmin
2,48 Er befweif fie mit dén armin
2,49 Vñ irfuftite uil tiefin
2,50 Sin ougin ime ubir liefin
2,51 Vñ bat fie fwigin ftille
2,52 Er fach wol daz ir wille
2,53 Anden kûninc nine ftûnt
2,54 Er tet ot fo fie alle tuont
2,55 Die da leiftin wollint truwe
2,56 Ir liez fie habin ir ruwe
2,57 Vñ fciet fîch uon der megide
2,58 Vñ gienc fcaffin um ir getregide
2,59 Daz ir nuwit def gebrach
2,60 Def im iemin uor gefprach
2,61 *Prophiliaf uñ cardionef*

- 2,62 Vñ ir mûtir undir def
2,63 Mit gaytin belibin
2,64 Ir iamir sie uirtribin
2,65 Mit uroude gebinde trofte
2,66 Daz sie doch fer lofte
2,67 Vz irn fenindin ruwin
2,68 Ir brûdir sprach intruwin
2,69 Daz er sie wolde lofin
2,70 Odir sich also uirbofin
2,71 Daz erf nimmir mere
2,72 Widir an sin ere
2,73 Queme· noch an sine macht
2,74 In difin dingin wart iz nacht
2,75 Vñ giengin die lute flafin
2,76 Do griffin sie zûn wafin
2,77 Athif uñ prophiliaf
2,78 Vñ alliz daz zû rome waf
2,79 Daz ot zû wafin tochte
2,80 Vñ sich bereitin mochte
2,81 Daz bereitte sich gare
2,82 Vñ quam gemeinlichin dare
2,83 Uvr die stat an ein graf
2,84 Da ir faminunge waf
2,85 Vf einir wifin uor ein holz
2,86 Dar quam manic rittir stolz
2,87 Vñ manic helit uirmezzin
2,88 Alf daz uolc waf gefezzin
2,89 In bûrgin dorphin· uñ stetin
2,90 Euafif tochtir bereitin
2,91 Gaytin also quam iz dare
2,92 Do scuofin sie ir scare
2,93 Do sie zû famine quamin
2,94 Die rede gar uirnamin
2,95 Nach der wifin rate
2,96 Vñ tatin daz uil drate
2,97 Sie liezin athifin
2,98 Vffe die straze wifin
2,99 Uñ gabin ime tarquinin
2,100 Mit allin den finin
2,101 Margwetin· iulin· iulium
2,102 Androinem· uñ gracium
2,103 Dar zû fechf hundirt
2,104 Rittersere uz gefundirt
2,105 Vz allin den bestin
2,106 Die sie inden landin weftin
2,107 Ob sie mit gaytin
2,108 Woldin ab intritin
2,109 Vñ dife sie ane quemin

- 2,110 Daz sie die magit in nemin
2,111 Ob sie die uvr ge uaztin
2,112 Dionifin sie faztin
2,113 Mit thufint halfpergin
2,114 An die huote uor den bergin
2,115 Rechtin halb def kuningif herf
2,116 Daz er die ftige def merf
2,117 Werte mit den finin
2,118 Sie faztin palatinin
2,119 Der oheim waf gaytin
2,120 Zu der lerzin fitin
2,121 Mit achte hundirt mannin
2,122 Ob sie die magit dannin
2,123 Uvr sie zu sciffe uvortin
2,124 Daz sie schilde urburtin
2,125 Vn wigif sie gefattin
2,126 Dife dri scare sie bestattin
2,127 In telrin un in holzin
2,128 Sie hetin manigin stolzin
2,129 Rittir un manigin helit
2,130 Zu uechtine uil uz gewelit
2,131 Da iz zu vechtine geriet
2,132 Die gefamnitin diet
2,133 Die nicht orfe hatin
2,134 Ir stat doch wol uirtratin
2,135 Vn ir werc wol torftin nutzin
2,136 Sariande un ouch scutzin
2,137 Die faztin die wifin
2,138 Daz sie durch athifin
2,139 Beidinthalb def uanin stritin
2,140 Vor den fariantin ritin
2,141 Dufint rittir in einir scare
2,142 Mit uirdactin orfin ifin uare
2,143 Die leitin zwene uvrftin
2,144 Die wol werbin geturftin
2,145 Vmme den werltlichin prif
2,146 Daz waf marques un engrif
2,147 Zwene helide uz irkorn
2,148 Vn warin uon rome geborn
2,149 Von kuningif geslechte
2,150 Vn foldin uon len rechte
2,151 Vor den uanin ritin
2,152 Vn zu dem erftin stritin
2,153 Nach der scare gienc der uane
2,154 Da sie houbitin ane
2,155 So sie ritin in den strit
2,156 Daz waf ein rotir famit
2,157 Gezierit nicht zu fwache

- 2,158 Ein uf gerichtit trage
2,159 Alf er ie zû uliegin folde
2,160 Von gefpunnenime golde
2,161 Meiftirliche dar in gewebin
2,162 Der hangite da benebin
2,163 Gehaft in eine ftangin
2,164 Dar er mochte gelangin
2,165 Vñ die in mochte uirtragin
2,166 Mit ifirne wol beflagin
2,167 Vñ ftûnt uf eime karrin
2,168 Den zûgin zwene uarrin
- 3,1 Vñ wold in habin durch ftochin
3,2 Sinin liebin mac gerochin
3,3 Def dachter ime uil angin
3,4 Vñ bot fich geuanguin
3,5 Daz er in nicht infteche
3,6 Erdan der kûninc gefpreche
3,7 Prophiliaf hiez in fichirn
3,8 Er hete eine kichirn
3,9 Genûmin uor falerne
3,10 Er sprach “daz tuon ich gerne”
3,11 Vñ fichirt ime anfine hant
3,12 Den helm man ime abe bant
3,13 Der kûninc waf dar undir
3,14 Daz dunkit mich nicht wundir
3,15 Wieuaf alf ein affche
3,16 Zû finime harnaffche
3,17 Hiez er uvorin beide
3,18 Vñ faz uf andir weide
3,19 [D]o quamin fine knapin
3,20 Vñ ebindin fine wapin
3,21 In uil kurtin ftundin
3,22 Sin houbit fie im bundin
3,23 Den fcilt langitin fie dare
3,24 Der waf uon lazure gare
3,25 So daz nicht bezzirf mochte fin
3,26 Da waf uil meiftirlichin in
3,27 Von berniffchin gold ein arn
3,28 Alf er in die luft wolde uarn
3,29 Gemalit uñ intworfin
3,30 Der hete fich zû worfin
3,31 Mit den uetichin beidin
3,32 Mit zwif golde undir fceidin
3,33 An lidin uñ an uedirin
3,34 Ouch heter ietwederin
3,35 Uvor bideme libe hine
3,36 Daz der zagil da durch fcine

- 3,37 Vf den scilt gestreckit
3,38 Die clawin wol zû reckit
3,39 Einin wapin roc er uvorte
3,40 Der andie wadin ruorte
3,41 Von brunime famitte
3,42 Gefnitin uon gûtir wîte
3,43 Alf er intragin wolde
3,44 Von gespunnime golde
3,45 Arne gnûc dar ī gewebin
3,46 Vorne· hindene· benebin
3,47 An gerin unde an fitin
3,48 Man fach in zû den zitin
3,49 Einin halfberch ane uvorin
3,50 Mit riemin uñ mit fnûrin
3,51 Geftrickit zû den mailin
3,52 An der finir fantailin
3,53 Daz sie [sich] mochtin nicht intlôfin
3,54 Vñ zwo filbir wizin hofin
3,55 Geftrickit umme fine bein
3,56 Vñ ein helm der uerre schein
3,57 Von spiegel brunin stâle
3,58 Mit manigim golt mâle
3,59 Die sich da uerre wiſtin
3,60 Gezierit an den listin
3,61 Vñ an dem barbiere
3,62 Eine riche baniere
3,63 Uvorter an finir hant
3,64 Die waf uerre bekant
3,65 Nach finin scildin gefnitin
3,66 Ein gût march heter beſcritin
3,67 Virdacht mit zwein deckin
3,68 Ein fwert mit ganzir eckin
3,69 Daz fere mochte fnitin·
3,70 Uvorter an finir fitin
3,71 Vñ reit uz an daz hôſte
3,72 Er warb nach einir iôſte
3,73 Mit manlichir pine
3,74 Ime uolgitin die fine
3,75 Mit manlichin geberdin
3,76 Daz urouwite den werdin
3,77 Uon meſſine margoz
3,78 Mit einir ſtorien die waf groz
3,79 Quam inden buhurt geuarn
3,80 Er fach andirnthalb den arn
3,81 Von eime ſcafte wedilin
3,82 Daz irwegite den edilin
3,83 An einin manlichin nit
3,84 Er reit ein ſcone raut

- 3,85 Verre fwarzir dan ein kole
3,86 Vñ waf gewapinit wole
3,87 Da mite fi die rede uirant
3,88 Ein fper uvorter ander hant
3,89 Ein ziechin uon richir habe
3,90 Verre wandilte dar abe·
3,91 Vñ irfprancte durch bilafin
3,92 Vf prophiliafin
3,93 Mit uf gerichtir bani·er
3,94 “Meffine fcieualier”
3,95 Rief er do er irfprancte
3,96 Prophiliaf ouch uirhancte
3,97 Sime orfe uil drate
3,98 Ein ftarc fper er hate
3,99 Geflagin undir finin arm
3,100 Die mailin warin wuordin warm
3,101 Deme kuonin iungelinge
3,102 Vñ ftach indurch die ringe
3,103 Vor me fcilde inden buch
3,104 Vñ warf in tot ineinin ftruch
3,105 Daz fper dannoch ganz beleib
3,106 Daz orf er uort mit fporn treib
3,107 Vñ uvr in allin beuorn
3,108 Er het inandir fit irkorn
3,109 Den helit dionifin
3,110 Wa ime daz fper ifin
3,111 Steckite inder fitin
3,112 Vñ fach fie ftarke ftritin
3,113 Def herf in beidin endin
3,114 Daz uolc uafte fwendin
3,115 Die beidinthalb fich wertin
3,116 Mit fpern uñ mit fwertin
3,117 Die uil dicke befuffin
3,118 Den orf in den guffin
3,119 Vñ inden kuonin lutin
3,120 Athif ot fine trutin
3,121 Rome uil fcedeliche irwarb
3,122 Wendir uil dar um irftarb
3,123 Prophiliaf der geherte
3,124 Vbir dionifin kerte
3,125 Def uil manigir intgalt
3,126 Vñ befcutte mit gewalt
3,127 Den kuonin dionifin
3,128 Def lobitin in die wifin
3,129 Sie hetin in uz den urundin
3,130 Wunt uñ ungefundin
3,131 Vndir den romerin zū trofte
3,132 Den uienc er· uñ lofte

3,133 Dionifin finin mac
 3,134 Er waf an tugindin nicht trac
 3,135 Do er den herzogin uenc
 3,136 Sulche tat er da begienc
 3,137 Wen der ftrit der waf hart
 3,138 Daz er da uon fo muode wart
 3,139 Von den manic ualdin flegin
 3,140 Daz er fich mochte nicht geregin
 3,141 Vñ reit uz rouwin uon difin
 3,142 Vndir boume an eine wifin
 3,143 An ein wunniclichiz graf
 3,144 Daz gnûc nâ deme ftrite waf
 3,145 Wen biz ir orf uirbliefin
 3,146 Er sprach “wir fuln hie fin
 3,147 Vnf rouwin eine wile
 3,148 Ob der kûninc uon bile
 3,149 Mit allir macht puniere
 3,150 Daz wir mine baniere
 3,151 Kerin im zû gegine
 3,152 Befeht uch allir wegine
 3,153 Ob ir noch athifif
 3,154 Minif liebin amifif
 3,155 Jergin werdit geware”
 3,156 Do ubir fahn fie die fcare
 3,157 Durch ein *wetir* dunniz loub
 3,158 Vñ irfahin grozin ftoub
 3,159 Von athife [uffe] ftiebin
 3,160 Vñ begondin ime liebin
 3,161 Sie sprachin “ieniz ift athif
 3,162 Vñ hat irworbin den prif
 3,163 Er ift die uijnde ane kûmin
 3,164 Vñ hat gaytin genûmin
 3,165 Daz ift unf wol an muote”
 3,166 Def urouwite fich der gûte
 3,167 Do fanter androcheum
 3,168 Den conful anthicheum

4,1 [B]ilaf da uon bile
 4,2 Waf ouch al die wile
 4,3 Von der erdin uf gefprungin
 4,4 Zû famine fie drungin
 4,5 Min er athif uñ bilaf
 4,6 Alixander uñ kolibaf
 4,7 Dienf uñ dorilauf
 4,8 Walfaram korillauf
 4,9 Vñ der kûne pandaron
 4,10 Der herzoge uon korillon
 4,11 Zû der erdin uon ir ueiztin

- 4,12 Orfin uil drate irbeiztin
4,13 Mit allin irgeuertin
4,14 Daz sie den küninc wertin
4,15 Athif uñ graciēf
4,16 [A]ndroinef uñ iulienf
4,17 [L]ucegwie und florentinuf
4,18 [A]nthoniuf uñ latinuf
4,19 Mit allin irn gefellin
4,20 Durch irbaldiz ellin
4,21 Den küninc zū uvoz bestūndin
4,22 Do giengin die wol tūndin
4,23 Vñ trūgin irbaniere
4,24 Da uogile uñ tiere
4,25 Warin beide ingefnitin
4,26 Alf manlich truoch nach finin fitin
4,27 Vafte an ein andir
4,28 Kolibaf uñ alexandir
4,29 Mit allin den die sie hatin
4,30 [Bila]fin gaf uirtratin
4,31 Vñ stāttin def nicheine wif
4,32 Daz der küninc uñ athif
4,33 Intsamint uvchtin einin wic
4,34 Sie irkantin wol irbeidir cric
4,35 Daz sie geuech warin
4,36 Vñ note sich uirbarin
4,37 Def torftin siez nicht wagin
4,38 Die bilafif phlagin
4,39 Vor finif libif uvorchte
4,40 Wend athif wundir worchte
4,41 Def tagif an finir rittirscāft
4,42 Er hete manheit und craft
4,43 An libe uñ an finnin
4,44 Ouch half im craft der minnin
4,45 Daz er geturftilichin streit
4,46 Mit forcsamir arbeit
4,47 Die notueftin giengin
4,48 Vñ gabin uñ intphiengin
4,49 Manigin smerzindin strich
4,50 Da uon inbeidintalbin sich
4,51 Der künin scade gemerte
4,52 Ir nichein da uirherte
4,53 Dem andirn zū flane
4,54 Ir nichein zū uane
4,55 Def andirn da gerte
4,56 Da gienc fwert gegin fwerte
4,57 Slac gienc gegin flage
4,58 Wen biz sich zūm mittin tage
4,59 Die funne begonde neigin

- 4,60 Vñ sich die wale ueigin
4,61 Beidintalbin uz gelafin
4,62 Sie uuchtin anbilafin
4,63 Mit hezlichime zorne
4,64 Bilaf der uz irkorne
4,65 Stünt in manlichin uore
4,66 Den fcilt truoc er inppore
4,67 Verre uor den handin
4,68 Er stünt in den gewandin
4,69 Do er nicht mochte gefigin
4,70 Daz er wolde da beligin
4,71 Vñ er nicht genefin wolde
4,72 Def uacht der erin holde
4,73 In helidif geberdin
4,74 Vñ tungite die erdin
4,75 Mit reueigin blüte
4,76 Sinif libif ane hute
4,77 Dannoch stünt def küninigif uane
4,78 Da fie houbitin ane
4,79 Def phlac der helit abfterne
4,80 Der küninc uon palerne
4,81 Vñ dimothenef der degin
4,82 Sie fahn harte ungewegin
4,83 Den ftrit irf herrin halbin wefin
4,84 Vndaz er mochte nicht genefin
4,85 Swaz er in gebe finir habe
4,86 Sie nie hulfin ime dar abe
4,87 Vñ fahn den küninc in notin stan
4,88 Vñ manigin nit flach flan
4,89 Vñ degintlichin ftritin
4,90 Vñ fahn in andir fitin
4,91 Haldin eine groze scare
4,92 Mit uirdactin orfin ifin uare
4,93 Die der karroschin phlagin
4,94 Vñ ir lib wol torftin wagin
4,95 Durch den werltlichin prif
4,96 Der phlac marquef uñ engrif
4,97 Die irfach abfterne
4,98 Do het er uil gerne
4,99 Bilafin uonme frite bracht
4,100 In manlichir andacht
4,101 In den buhurt er rorte
4,102 Ein ftarc fper er uvorte
4,103 Brinuf den küninc irfach
4,104 Da er durch die scare brach
4,105 Vñ rantin manlichin ane
4,106 Er reit ein orf wiz alf ein fwane
4,107 Daz waf snel uñ ftarc

- 4,108 Mitme scilde er sich barc
4,109 Do er den kuninc het irkorn
4,110 Daz orf nam er mit den sporn
4,111 Daz inuיל snellichin truoc
4,112 Vndirz ochife er daz sper fluoc
4,113 Daz selbe tet absterne
4,114 Wender waf ein kerne
4,115 Zû tûne werde rittirschaft
4,116 An den half er in traft
4,117 Da er inuellichî wifte
4,118 Brinuf der uirmifte
4,119 Absterne waf uon grozir craft
4,120 Er sach den effchinin schaft
4,121 Daz er sich uon creftin bouc
4,122 Vñ brinuf uon dem orfe ulouc
4,123 Vñ er wunt uiel uffin fant
4,124 Daz orf nam er an die hant
4,125 Bilafe er iz brachte
4,126 Def not er uor bedachte
4,127 Wender uil truwin hate
4,128 “Wol uf” sprach er uil drate
4,129 “Vñ wartit war irwellit
4,130 Sich hat fere misse stellit
4,131 Daz uolc indeme ftrite” “Nein
4,132 a helit nû bite
4,133 Noch eine cleine wile”
4,134 Sprach der kûninc uon bile
4,135 “Daz uolc uon eime scricke
4,136 Virzagit harte dicke
4,137 Vñ irfcamit sich uor leide
4,138 Vñ irmannit andirweide
4,139 Vñ ftritit danne baz dan er
4,140 Swenne der helit wirdit fer
4,141 So irmannit ir uon den wundin
4,142 Vñ gefigit undir stundin
4,143 Daz selbe mac unf hie gefcehn
4,144 Daz solt du helit ane fehn”
4,145 “Nein” sprach der andir degin
4,146 “Der ftrit ist alf ungewegin
4,147 Daz ir nicht gefigin mûgit
4,148 Liebe herre def gehûgit
4,149 Vñ lazit uch nicht totin
4,150 Sich fol in finin notin
4,151 Der helit wol uirfinnin
4,152 In glucke uñ in gwinnin
4,153 Dunkint alle lute wif
4,154 Daz ist ein lobilichir prif
4,155 Swenniz dem manne misse gât

- 4,156 Daz er sich dan wol gehat
4,157 Vñ sich stellit dar ingegin
4,158 Alf im sin dinc ist gelegin”
4,159 Sprach der helit mere
4,160 “V fint die romere
4,161 Also wol gefezzin
4,162 Woldirf nicht uirgezsin
4,163 Vñ woldiz dar nach handiln
4,164 Daz sie ÷ muozin wandiln
4,165 Swaz sie ÷ lastirf habint irbotin
4,166 Ouch geloubich ÷ bi unfin gotin
4,167 Woldir min dienist dar zû
4,168 Daz ichz dehte gernir tv”
- 5,1 Vñ fcuofin dar daz dienist
5,2 Nû dit al geschen ist
5,3 Vñ der mittir tac zû gienc
5,4 Vñ die [k]uolde ane geuienc
5,5 Do wart der magit gayte
5,6 Gegin der hochgecite
5,7 Geleidit so nie magit baz
5,8 An irn brute stuol gefaz
5,9 Daz het ir uatir uor bedacht
5,10 Ir allir phert warin bracht
5,11 In den hof durch ritin
5,12 Do huob man uf gaytin
5,13 Evañ nam sie an die hant
5,14 Vñ cardionem zû hant
5,15 Athif ir reit gefelle waf
5,16 Dar nach reit prophiliaf
5,17 Vñ sin mûtir salustine
5,18 Dar nach al die sine
5,19 Dar nach die urouwin uon der stat
5,20 Der ieclich hete sich gegat
5,21 Zû deme der ir ebine quam
5,22 Vñ ir zû dieniste gezam
5,23 Vil uidilere quamin
5,24 Die da wole gezamin
5,25 Vñ uidiltin uil fuoze
5,26 In muoziclichir muoze
5,27 So ritin sie gnûc trage
5,28 Gegin der wûrmlage
5,29 Wende der wec waf kurt
5,30 Vor ime irhoub sich der buhurt
5,31 Von allin den iungin rittirn
5,32 Die machtin manige splittirn
5,33 Vz den wiz nuwin sceftin
5,34 Swa sie den scaft beheftin

5,35 Vffe die uirffchin ſcilde
5,36 Daz iſt unſ noch ein bilde
5,37 Vñ ein gezuc der elicheit
5,38 Vil manic rittir gemeit
5,39 Quam zû deme buhûrde
5,40 Ich wene den wol wurde
5,41 Gewartit uon den urouwin
5,42 Got laz in wol gezouwin
5,43 Daz ſiez muozin ſo begehñ
5,44 Daz ſie zû lobe dar abe ſtehn
5,45 Nv wart zû rome ein ſpil gedacht
5,46 Daz wart def tagiſ uollin bracht
5,47 Durch den werltlichin ruom
5,48 Swen ein wert bruteguom
5,49 Mit ſinir brut zû houe reit
5,50 So waſ def da gewonheit
5,51 Daz alle iunge lute
5,52 Witewin· megide brute
5,53 Den fulche ſpil gezamin
5,54 Dan zû famine quamin
5,55 Vñ ſich bihandin uiengin
5,56 Vñ uvr die brute giengin
5,57 Ir ieclich nach ir echte
5,58 So ſie geleiftin mechte
5,59 Hete ir dinc da gefazt
5,60 Vñ ſich mit cleidirn uz geuazt
5,61 Von richin rockin wol gefnitin
5,62 Nach den franzzifchin ſitin
5,63 Vil ebin an ſich gefcurzt
5,64 Vñ zû der erdin gekurzt
5,65 Ir arme ſubire uirnât
5,66 So die werlt noch ſite hat
5,67 Mit gûtin gurtlin langin
5,68 Beſlagin mit golt ſpangin
5,69 Mit turin uvr ſpannin
5,70 Do ſie giengin dannin
5,71 In hoe gerindin muote
5,72 Truoginſ uf ir huote
5,73 Daz ſie nine uirblichchin
5,74 Ir hantzgin angeſtrichchin
5,75 Und ebine ſich geſtellit
5,76 Suſ giengin ſie gefellit
5,77 Wen biz ſie dar quamin
5,78 Dar ſie die brut uirnamin
5,79 Da fazin ſie uñ beittin
5,80 Wen biz ſie ſich bereittin
5,81 Mit zuchtlichin gelazin
5,82 So ſie dan uf gefazin

5,83 So irhuobin die werdin
5,84 Vor der brute pherdin
5,85 Ein fpil daz waf ein linde hut
5,86 Vbir ein weich har gefut
5,87 Alf ein kule alfo groz
5,88 Difin hande weichin kloz
5,89 Den wurffin fie ein andir
5,90 Swilch ir da waf gerandir
5,91 Vñ fnellir dan die andirn
5,92 So fie begondin wandirn
5,93 Die behielt da den fcal
5,94 Dit fpil waf geheizin bal
5,95 In romiffchir zungin
5,96 Suf giengin die iungin
5,97 Hûpphinde uñ fpringinde
5,98 Von den brutin finginde
5,99 Ein andir werfinde den bal
5,100 Der an fpile nicht ruowin fal
5,101 Uv̄rz tempil der gottinne
5,102 Die urouwift ubir die minne
5,103 Die waf do uenuf gnant
5,104 So quam ir ewart zû hant
5,105 Ein man aldir uñ grif
5,106 Der feginte fie fine wif
5,107 Vñ gab fie mit wortin
5,108 Die dar zû gehortin
5,109 Zû famine zû rechtir ê
5,110 So tatin abir dife alf ê
5,111 Biz zû den herbergin widir
5,112 So fie dan ir beiztin nidir
5,113 So gab man in ir beidir
5,114 Ir orf· ir phert· ir cleidir
5,115 Vñ fwaz fie zierdin uvertin ane
5,116 Da mite huobin fie fîch dane
5,117 Vffe den hof uronin
5,118 Da tanztin die fconin
5,119 Iungin urouwin inne
5,120 Zerin der gottinne
5,121 Dit warin heidinffche fite
5,122 Hie wart gekondierit mite
5,123 Athif uñ gayte
5,124 So nie uor der gecite
5,125 Iuncrouwe wên ich wûrde
5,126 Mit fpile uñ mit buhûrde
5,127 Mit zuchtigirn gelazin
5,128 Zû houe uñ zû ftrazin
5,129 Geuvorit wart erfamir
5,130 Da waf uroud ane iamir

- 5,131 Waz touc ein umme creizin
5,132 Die urouwin al ir beizin
5,133 Befundirn uor der portin
5,134 Die in da zû gehortin
5,135 Die uûrtin die phert hin
5,136 Vñ die rittere zûzin
5,137 Daz manigin wart zû pinin
5,138 Ir ieclich nam die finin
5,139 Vñ uûrte fie uil fcone
5,140 Da der tifch urone
5,141 Gaýtin bereitit waf
5,142 Do hiez ir uatir euaf
5,143 Den urouwin gebin wazzir
5,144 Athif da nicht uirgazzir
5,145 Vñ trat zû gaýtin
5,146 Ebine an ir fitin
5,147 Mit zuchtigin gelazin
5,148 Sie fazin nidir uñ azin
5,149 Man gab in allif def gnûc
5,150 Def daz ertriche truoc[c]
5,151 Da mite fi die rede uirant
5,152 Vil kerzin wart da uf gebrant
5,153 Do man def abindif intfuob
5,154 Einin tanz man ane huob
5,155 Durch daz die mût truobin
5,156 Die gerne iamir uobin
5,157 Vroude da intphiengin
5,158 Vil uidelere giengin
5,159 Vñ uidiltin uil fuoze notin
5,160 Da wart u[i]l dienftif irbotin
5,161 Den wol getanin urouwin
5,162 Die ammicht lut ir zouwin
5,163 Die ir ware da namin
5,164 Sie azin gâf uñ quamin
5,165 Do der tanz fich uirliez
5,166 Trinke man brengen hiez
5,167 Den wirtin uñ den geftin
5,168 Do uûrtin fie die beftin
- 6,1 Vil urouwin mit uil mannin
6,2 Mit grozin urouwidin dannin
6,3 Da ir bette waf bereittit
6,4 Daz uolc nicht langir beittit
6,5 Vñ liez fich nuwit ftraphin
6,6 Swaz da nicht folde flafin
6,7 Daz nam urlob uñ gienc
6,8 Die brut ir dinc ane uienc
6,9 Vil gezogêliche

6,10 Her euaf der riche
6,11 Beualch die magit athife
6,12 Do fciet fich der grife
6,13 Von der wolgetanin magit
6,14 Waz fol da me uon gefagit
6,15 [I]ft daz ich uvrdir fagite
6,16 Dem uolkiz miffehagite
6,17 Vn begondif irlangin
6,18 Gayte die wart begangin
6,19 So nie kint uon kuningif art
6,20 Erfamir hie begangin wart
6,21 Dar ane lat v gnuogin
6,22 Athif mit fconin uvogin
6,23 Legite fich zum erftin nidir
6,24 Gaytein wenic ftreit da widir
6,25 Daz in dunkit mich nicht wundir
6,26 Da waf uirborgin undir
6,27 Def mannif uorchte kindif fcame
6,28 Iz ift ein groz dinc mannif name
6,29 Ein fulch dinc zu gefehinde
6,30 Daz ein magit zu fehinde
6,31 Den lutin tritit an die flat
6,32 Dar nie ir uvoz an getrat
6,33 Swie lieb fie den man habe
6,34 Die fcame wifit fie dar abe
6,35 Daz fiez blodilichin tv
6,36 Saluftine sprach ir zu
6,37 Vn hiez fie fich cleidin
6,38 Prophiliaf gab in beidin
6,39 Gute nacht un gienc dar uvre
6,40 Ein urowe befloz die tvre
6,41 Vn incleiditin fie undir def
6,42 Saluftine un cardionef
6,43 Namin gaytin mit gewalt
6,44 Vn legitinf an den helit balt
6,45 Vil urolichin er fie intphienc
6,46 Sie nam urlob un gienc
6,47 Vn die urowin al zu gatir
6,48 Vn legite fich biirn uatir
6,49 Den bidiruin euafin
6,50 Nebin prophiliafin
6,51 Legite fich cardionef
6,52 Uvrdir tar ich nicht fprechin wef
6,53 Sie begondin odir tetin
6,54 Grozin fcal fie hetin
6,55 Ir urunt und irmage
6,56 In der wurme lage
6,57 Wen biz fie fich geurouwitin gnuc

- 6,58 Vñ man trinkin dar getruoc
6,59 Do fciedin fie fich alle
6,60 Vñ uvorin dan mit fcalle
6,61 Dar fie zũ tuone hatin
6,62 Vil wachtere uf tratin
6,63 Vñ bewartin fie uor den diebin
6,64 Seht dife zwei geliebin
6,65 *Bi ein andir lagin*
6,66 *Vil [urou]din phlagin*
6,67 Also manlich wol wizzin mac
6,68 Do lieb bi liebe gelac
6,69 Vnd erz an finin arm genam
6,70 Waz da uroudin abe quam
6,71 Vroude gerindin finnin
6,72 Ift daz ime uon der minnin
6,73 Ie fich ein ungemach
6,74 An fime libe gefcach
6,75 Do er cardionem uirkôf
6,76 Vñ fin erbe uirlof
6,77 Def in die minne intfaztte
6,78 Wie wol fief in irgaztte
6,79 Mit der fconin gaytin
6,80 Die fie bifinir fitin
6,81 Mit grozin notin hete bracht
6,82 Er hetif andirf gedacht
6,83 Kûninc bilaf do er fie nam
6,84 Die felhde waf [*ime*] gram
6,85 Vñ gondir baz athife
6,86 Den fie an rittirf priſe
6,87 Gehoit hete fere
6,88 Waz folde der rede mere
6,89 Athif bi gaytin lac
6,90 Wen biz uerre uffin tac
6,91 Vñ daz die funne fcein
6,92 Diewile die romer ubir ein
6,93 Zũ den bete hufin ritin
6,94 Ir gote um ir hulde bitin
6,95 Do warin ouch dife irwachit
6,96 Vñ hetin fich uf gemachit
6,97 In muozilichir muoze
6,98 Mit manigin femftin grûze
6,99 Schiet fich athif dannin
6,100 Vnd gienc zũ den mannin
6,101 Da der allir meifte waf
6,102 Do uvertin prophiliaf
6,103 Da er fich folde cleidin
6,104 Man hetin gliche beidin
6,105 Gwunnin cleidir harte gũt

- 6,106 Do sie hetin sich gefcuot
6,107 Vñ ir ermln uirnetin
6,108 Vñ sich geuanguin hetin
6,109 Vf ir phert sie fazin
6,110 Mit fconin gelazin
6,111 Hie mochtich uil abe fagin
6,112 Wie fin gefmide waf betragin
6,113 Mit rot gebrantin golde
6,114 Ob ichz nicht kurtin folde
6,115 Sie ritin mit ir urundin
6,116 Da sie daz tempil uvndin
6,117 Venerif der gotinne
6,118 Die urouwift ubir die minne
6,119 Do man ir recht in da getete
6,120 Vñ sie zwene an ir gebete
6,121 Gewarin mit ir magin
6,122 Wen biz lief gnuc gephlagin
6,123 Do ritin sie ungebeitit
6,124 Da iz gestuole waf bereitit
6,125 Mit fconin buhürde widir
6,126 Da lege wir die rede nidir
6,127 [S]aluftine uñ cardionef
6,128 Warin ouch kumin undir def
6,129 Vñ heimliche lute
6,130 Vñ hulfin uf der brute
6,131 Ir cleidir tatin sie ir ane
6,132 Vñ uvertin sie dane
6,133 In ein andir pauliun
6,134 Ein phellil uiolin brün
6,135 Von golde tier dar ingewebin
6,136 Loubir zwige win rebin
6,137 Vñ we geuluochtin ftricke
6,138 Vndir worcht uil dicke
6,139 Mit golde deme rotin
6,140 Dar abe waf irfcrotin
6,141 Ein mantil wol mit finnin
6,142 Bezogin wol inbinnin
6,143 Mit herminin uedirin
6,144 An dem orte iecwedirin
6,145 Nidine zu gedeckit
6,146 Vnde obine uvr gestreckit
6,147 Ein brun zobil zu mazin ruch
6,148 Alf er wart in einir druch
6,149 Geuanguin dar zu ruzin
6,150 Zwei taffel in buzin
6,151 Von golde warin gefmidit
6,152 Vñ wie zu famine gelidit
6,153 Mit gutin fteinin undir satzt

6,154 Alfe sie uil ture gefcatzt
6,155 Do wûrdin uon den wifin
6,156 Die gût wol kondin prifin
6,157 Vn achte wifin werkif
6,158 Vn des felbin gemerkif
6,159 Waf ein roc ir gefnitin
6,160 Nach den franzzoifchin fitin
6,161 Wedir zû lanc· noch zû kurt
6,162 Da hete sie sich ingegurt
6,163 Mit einin beflaginin bortin
6,164 Inmittin un zû den ortin
6,165 Mit cleinin golt fpangin
6,166 Geuvogin nicht zû langin
6,167 Von gold ein uvrspan harte wol
6,168 Gefmidit un edilir steine uol

7,1 Daz im argif niht geschach.
7,2 Gayte dit wol gefach.
7,3 Daz her peritheus was
7,4 So geuallin uffiz gras
7,5 Daz er von un mechtin
7,6 Lac in fwachin echtin
7,7 Alf ob er were tot geflagin
7,8 Vnd begondin leitlichin clagin
7,9 Uvidir cardionefin
7,10 “Zware fol dit war wefin
7,11 Umme finin tot ual”
7,12 Sprach die stat ubir al
7,13 “So wirt ūtworcht athene
7,14 Sie wurbinz wol. sie zwene
7,15 Kunic kaffidor⁹. vnd er
7,16 Vn fol def nû nicht wefin mer
7,17 Daz perithe⁹ ift ir flagin
7,18 Wer fol die lâft unf helfin tragin”
7,19 [D]ie vröwin die da fâzin
7,20 An venstirn. an therrâzin
7,21 Die wurdinf uallif ge war
7,22 Und virfwigin. in. doch gar
7,23 Beide fwestir vn die mûtir
7,24 Karfidor⁹ waf ein gûtir
7,25 Daz thet er dicke wol schîn
7,26 Er liez alle rede fîn
7,27 Und ir beizt uffin fant
7,28 Den helm er im abe bant
7,29 Sam thet er die fant^hailin
7,30 Do vant ern von den mailin
7,31 Ze qwetzit. am antlitze
7,32 Sam vant ern ane witze

7,33 Da ligind amme fande
7,34 Daz er uvoze noch hande
7,35 Regite noch daz houbit
7,36 Alfo waf er bethoubit
7,37 Karfidor⁹ sprach im zû
7,38 “Perithe⁹ wie uerf dû
7,39 Sprich mir zû. liebir urunt”
7,40 Do regiter den munt
7,41 Vnd warf uf dovgin trâge
7,42 Gein def kvnigif vrâge
7,43 “Waz ist an mir ir gangin
7,44 Bin ich.” sprach er. “geuanguin
7,45 Han ich gefichirt.” “nein dû niet”
7,46 Sprach er. “fon ist mir nicht gefchiet
7,47 Wenddaz ich orfif nicht in hân”
7,48 Und sprach uf von ð erdin fân
7,49 “Hie stet” sprach er “din felbif ors
7,50 Daz dir der kunic laumacors
7,51 Liez. do dû den stêche nidir”
7,52 Do gienc er zûm orfe widir
7,53 Mit urolichin gebêrdin
7,54 Do ge fach er die werdin
7,55 Urôwin. obrime sitzin
7,56 Sinf linkin uvozif spitzin
7,57 Sazt er. in den stetgereif
7,58 Mit den handin er begreif
7,59 Beidinthalb. die fathilbogin
7,60 Und quam uf sin orf geulogin
7,61 Recht alf ein uogil wilde
7,62 Do greif er nach me schilde
7,63 Den helm den hiez er bindin
7,64 Und bat im gâf ir uindin
7,65 Waz dort sin uatir tête
7,66 Der in uir ritin hête
7,67 Mit urundin vñ mit mannin
7,68 Daz sien nicht vûrtin dannin
7,69 Ouch pûgierte phedrias
7,70 Athif vnd prophlias
7,71 Durch werdir erin be iac
7,72 Aldie wîle. daz er lac
7,73 Vnwizzind anme fande
7,74 Manigim schildif rande
7,75 Wart ir puniez zû leide
7,76 Die not gestadlin beide
7,77 Pphlias vnd athîf
7,78 Wurdin werbind ûmin prîs
7,79 Und wurdin fulche rittirscâf.
7,80 Thûnde. daz. da nicht zû getraf

- 7,81 Saluſtîn der vuorte
7,82 Den uanin vnd ruorte
7,83 mālīchī. in die dickin
7,84 Daz im^e moht ir ftickin
7,85 Sin orf uon gedrange
7,86 Mit bittirin antphange
7,87 Wart er intphangin dicke
7,88 Daz waf im alf ein wicke
7,89 Wend er waf wîf vñ ſtarc
7,90 Mit me ſchild er ſich barc
7,91 Vnd hielt ot uafte den uanin
7,92 Die romer drungin an. in.
7,93 Uil manic notueſte man
7,94 Der ich nicht genennin kan
7,95 Diez alfo wol da tâtin
7,96 Alf die da nâmin hâtin
7,97 Der herzoge uon pîſe
7,98 Waf. in. geuarn nach prîſe
7,99 Gewapint grozlichī wol
7,100 Sin orf was ſwarz alf ein kol
7,101 Mit gerechtin march mâlin
7,102 Sin helm brûn lutir ſtâlin
7,103 Mit lîſtin wol gezierit
7,104 Vnd uafte gebarbierit
7,105 Uvor dôgin. vnd vûrz antlitz
7,106 Nach den aldin fitin ſpitz
7,107 Alf ſie p^hlâgin. bi den tagin
7,108 Waz ſoldich me drabe ſagin
7,109 Sin decke waf vnd ſin kvrſit
7,110 Ein undir webin brun ſamît
7,111 Mit golde deme rôtin
7,112 Sin banier waf geſcrôtin
7,113 Nach dem. alf er wapin trûc
7,114 Der herre wîf. waf. vnd clûc
7,115 In den rinc quā er gerant
7,116 Pphiliâſin er vant
7,117 Uf einim orfe ſprûzuale
7,118 Den rinc in einſit zû tale
7,119 Mit ſime ſper wol rîtin
7,120 Und abrin ander ſîtin
7,121 Wol houwin. mit me ſwerte
7,122 Den ſelbin prîf. er gerte
7,123 Den der helit ſtête
7,124 Uor. ir worbin hête
7,125 Mit ſime ſper irwerbin nâch
7,126 Iedoch hêt. in. ein teil zû gâch
7,127 Uffe den helit reinin
7,128 Und nâmiz orf mit beinin

7,129 Alf iz mochte meist geuarn
 7,130 Der romer. ovch finin arn
 7,131 Gegin den uvrftin wante
 7,132 Daz orf mit sporn er mante
 7,133 Sin sper er vorne fancte
 7,134 Daz nîedir uz geinwancte
 7,135 Den herzogin von ð flath
 7,136 Stach er. in ein horc gewath
 7,137 Daz im daz anlutze
 7,138 Belac in der phutze
 7,139 Dem vurftin da von pîse
 7,140 Pphilias der wîse
 7,141 Zuct uf daz sper. dôz ganz beleib
 7,142 Uf sinin geuerten er treib
 7,143 Durch finif schildif urbuor
 7,144 Der nach im durch huote uvor
 7,145 Und flach. in. hindirf orlif zagil
 7,146 Phîle. vil dickir dan. ein hagil
 7,147 Schuzzin schutzin im ingegin
 7,148 Daz sie geualtin den degin
 7,149 Doch quā er widir ane scadin
 7,150 Al wer er fere gnûc virladin
 7,151 Von tripe di. mothene
 7,152 gedâchte dife zwene
 7,153 Mit einir iofte rechin
 7,154 Daz man von im ovch sprechin
 7,155 Wol mußte. uor den vrouwin
 7,156 Und îlte. def. gâf zouwin
 7,157 Er hete gûte wapin an
 7,158 Und quā wol alf ein huuifc man
 7,159 Geuarn. an def ringif ort
 7,160 Pphiliaf uvor ouch fort
 7,161 Mit einir banier inð hant
 7,162 Sie tâtin beide dorf gemant
 7,163 Mit genendigin zorne
 7,164 Die sper sanctin sie uorne
 7,165 Die uûft sie uafte tw^ungin
 7,166 Do dorf zû samne sprungin
 7,167 Und trâfin beidein andir sich
 7,168 Der romer trûc hôr finin stich

8,1 “Die wapin unf uirroftin
 8,2 Soz niemin let sich kostin
 8,3 Die rittire uirterbin
 8,4 Die nicht in wâpin werbin
 8,5 Die mildin uirkargin
 8,6 Die guotin uirargin
 8,7 Die minnindin uirminnin

8,8 Daz sie nicht thuon beginnin
8,9 Vnd nicht der urouwin achtin
8,10 Die forger sich uirtrachtin
8,11 So sie nicht werkif ūbin
8,12 Die urôn gemûtin. trûbin
8,13 Die niemin uroudin reizit
8,14 Suf wirt daz uolc uirbeizit
8,15 *Glîch* den uirbeiztin trappin
8,16 Unf uirdorppirn die knappin
8,17 Die warin thugint. er gelârt
8,18 Zucht. wirt. in unzucht. gekârt
8,19 Der houiffcheite wirt. intwonit
8,20 Wie fere felhde uon unf uonit
8,21 Und unheil unfir râmit
8,22 Leit. alf ein fâme fâmit
8,23 Mit [*ie*]mir werndin fmerzin
8,24 In unfir allir herzin
8,25 Dûn ftirbif nicht al eine
8,26 Sie fterbin al gemeine
8,27 Mit dir. die zathene fînt
8,28 Aldin. iungin. vnd die kint
8,29 Der allir houbit wêre dû
8,30 Daz ftirbit allinfâmit nû
8,31 Def werdich niemir wol gemûrt
8,32 Er sprach “dû wer ouch alzû gû
8,33 Waz foldiftû fo gû geborn
8,34 Sit got fo fere finin zorn
8,35 An dir gedâcht ir zeigin
8,36 Wer al die werlt min eigin
8,37 Die geb ich liebe fûn uûr dich
8,38 Wer abir daz ich felbe mich
8,39 Mocht alfo uûr dich gegeben
8,40 Daz dû gefunt foldif lebin
8,41 Und ich uvor dich irfturbe
8,42 Wie gernich daz ir wurbe
8,43 Daz felbe tête din muotir
8,44 “Aý. liebe uatir. waz tuot. ir
8,45 Daz ir mich tût er der zit
8,46 Ich weiz wol daz ir ruwic fît
8,47 Minf leidif. daz ift mir leit
8,48 Und zwuialdit min arbeit
8,49 Sprach der wol gemuotir
8,50 “Stûrit minir muotir
8,51 Und alemandînin
8,52 Daz sie nuwit pinin
8,53 Den lib. nach mir. al zû uil
8,54 Und tuot def ich bitin wil
8,55 Min lebin ift nicht langir

- 8,56 Ich bin einf tôdif fwangir
8,57 Wordin. def muoz ouch ich bekorn
8,58 Wendich durch fterbin wart geborn
8,59 Do min muotir min genas
8,60 Der romer prophlias
8,61 Der hat min. intgoldin gnuoc
8,62 Do man mich. in. die ftath truoc
8,63 Mit fulchim ummûte
8,64 Do wânde die gûte
8,65 Cardiones daz ich wêre
8,66 Prophiliaf der romêre
8,67 Wende mich fîn gefelle trûc
8,68 Don waf fie leidir nicht. fo klûc
8,69 Daz fie def kond inthaldin fîch
8,70 Und ftarb uon leidin ûme mich
8,71 Von def todif ubir trite
8,72 Nû tût def ich uch gebite
8,73 So min ougin fîch befliezin
8,74 So lâzit mich des geniezin
8,75 Daz ich des nie nicht hie zû brach
8,76 Def uwir munt zû mir gefprach
8,77 Und begeht unfê bigraft
8,78 Mit urouwin mit rittirfcaft
8,79 Nach rechtir kuniclichin guft
8,80 Lâzit unf welbin eine kluft
8,81 Mit edilin marmir fteine
8,82 Mit golde gemuoft reine
8,83 Da legit unf beidin famt. in
8,84 Wende wir tôt gefellin fîn.
8,85 In alfo riche ferke
8,86 Daz man da bi wol merke
8,87 Daz wir wol adil mochtin habin
8,88 Mit rôt guldinin buochftabin
8,89 Lât unfîn namin fcrîbin
8,90 Daz wir alfo belîbin
8,91 Daz niemin unf zû fcheide
8,92 Swen ir. dan andir weide
8,93 Zû uroudin. fit gefezzin
8,94 Und unfir hât uirgezzin
8,95 Alf die lebindin alle thûn
8,96 So die lûte. fîch gnûc gemuon
8,97 Mit herzelichin leidin
8,98 So muoz der lib doch fceidin
8,99 Daz leit. mit libif trôfte
8,100 Wen daz ift recht iz hôfte
8,101 Daz die tôtin zûr erdin uarn
8,102 Wend. in. daz niemin kan bewarn
8,103 Die lebindin druffe fîn

- 8,104 So lât. alr erst werdin schîn
8,105 Daz ir lieb. hêtit minin lib
8,106 Und geldit im sin liebe wib
8,107 Der sie durch mich hat uirlorn
8,108 [Z][war]. er ist. ir gnuoc geboren
8,109 Und ist ir bidirue genuoc
8,110 Wende die werlt noch nie getruoc
8,111 Not uestirn man zu degin heit
8,112 Und wêne niemir mer getreit
8,113 Die werlt. sin glich ist und noch wirt
8,114 Abir der nichtis. recht inpirt
8,115 Nach sinif libif mugindin
8,116 Uon al ir korn thugindin
8,117 Der wirdit noch feltfêne
8,118 Der werlt alf ich wol wêne
8,119 Daz ist min her prophiliaf
8,120 Der ist luttirre dan ein glaf
8,121 Uon dem. daz scand ist genamit
8,122 Nû gebit im beidin famit
8,123 Mine fwestir zu wibe
8,124 Daz uon ir zweyer libe
8,125 Geborn noch helde werdin
8,126 Zûz erbe difir erdin
8,127 Daz sie nach uwirn libe
8,128 Nicht erbelôf belibe
8,129 Sitdaz. man min inpern muoz”
8,130 Er sprach “liebe fwestir tuoꝛ
8,131 Durch minir sele genift
8,132 Ob du mir der gunftic bist”
8,133 Sie sprach. nicht. uil hôf lûtif
8,134 “Ich thû. fwaz du gebûtif
8,135 Ob uatir un muotir wil
8,136 Die mir gefatz han ein zil
8,137 Daz ich nicht fol ubir tretin”
8,138 Er sprach. “def ich han gebetin
8,139 Def mugin sie dir uirhengin
8,140 Und du machtiz uollin brengen
8,141 Uil gerne. durch dinf selbif urvmin
8,142 Wendich nie man baz uollinkû [min]
8,143 An allir slachte tuginde
8,144 Gefach. uon kindif iuginde
8,145 Der ie sin swert begurte”
8,146 Sie gâbin im ant wurte
8,147 Sin uatir. und sin muotir
8,148 “Zwâr. er ist. gar ein guotir
8,149 Beide gûtif vnd libif
8,150 Gert er sicheinif wibis
8,151 Zu nemine durch sin iamir

- 8,152 Son konde wir nicht ærfâmir
8,153 Alemandînin beftatin”
8,154 “Mag fiz. abir nicht gegatin
8,155 So daz er nicht wil wibif nemin”
8,156 Er sprach. “fo lâzit. in. be zemin
8,157 Und gebit fie. dem. ir wellit”
8,158 “Die rede mir wol geuellit”
8,159 Sprach daz fere claginde wib
8,160 Er sprach. “nû lôfit minin lib
8,161 Ich lig. in grôzir ummacht
8,162 Und lât mir zien. ûz den scacht
8,163 Man gnifit grôzir wundin
8,164 Daz han ich dickir uvndin”
8,165 *E*in arzit waf die wîle kûmin
8,166 Der hête falbin uil genûmin
8,167 Hindene den scaft geclobin
8,168 Und dar. in. winplin gefcobin